




FUD SEKURITI MO AGRIKALJA KLASTA



FOOD AID

“SAPOT BLONG KAKAE I STAP KAM”

Kakae bae ikam long pakej we inaf long ij

haoshol (kitchen blong wan famli)

Bae fesfala raon blong distribusen ikam ino longtaem

I nogat spesel kriteria blong distribusen.

Evri man, woman, yut mo pikinini oli mas risivim kakae

FUD SEKURITI MO AGRIKALJA KLASTA BLONG VANUATU HEMI STAP WOK NADIA BLONG HELP DONETEM KAKAE IKAM LONG OL KOMUNITI MO PROVINS WE OLI SAFA LONG BIGFALA DAMEJ WE TROPIKOL SAEKLON **PAM** EMI KOSEM.

SAPOT BLONG KAKAE BAMBAAE EMI KAM TU WETEM OL SIDS MO TUL BLONG GIVHAN LONG OL HAOSHOL BLONG SAVE PLANEM KAKAE MO RIKAVA LONG DAMEJ BLONG SAEKLON IA.

WANEM NAO KOMUNITI I MAS MEKEM?

Klasta i stap advaes blong komuniti i mas setemap wan komiti kwiktaem blong save distributem ol kakae, sids mo tul i fea mo ikwel igo long evri haoshol we saeklon i afektem. Igud komiti ia igat representatif blong jif, jej lida, yut lida, eria kaonsel, mo woman lidas. Haf (50%) blong komiti ia i mas gat ol woman blong helpem komiti blong distributem ol saplae igo long evriwan long evri haoshol.



FUD SEKURITI MO AGRIKALJA KLASTA

Nasonal Disasta Manejmen Ofis

Tel: 22699 | 5390993 | 7779490

KEY MESEJ IGO LONG OL FAMA wanem blong mekem afta long saeklon

FUD KROP

1. Digim ol manioc we wind i kapasatem
2. Sapos manioc i fulap tumas, yu save digim wan hol fastaem blong storem ol ekstra wan
3. Harvestem ol nara kakae we oli oraet iet mo putum gud olgeta long haos
4. Planem bak ol han blong aelan kabis we i brokbrok
5. Mekem rere ol stamba blong banana wetem yang gru long planem bagegen
6. Planem bak ol rop blong kumala
7. Wokem niufala garen bagegen we yu save planem blong kakae kwiktaem
8. Usum tradisenol mo moden teknik blong prisevem ol ekstra kakae blong yu
9. Planem bak long han blong ol crop blong yu we oli gud iet I stap long karen blong yu

KASH KROP, FRUT TRI, LAEFSTOK

Kas Krop

1. Planem bak ol han blong kava we i brokbrok
2. Prisevem ol sid

Frut Tri

1. Klinim gud ol tri we han o brans i brokbrok
2. Prisevem ol sid

Laefstok

1. Katemaot mo muvumaot ol han blong ol tri we oli brok mo foldaon insaed long fanis mo hipimap gud long wan ples mo fixim ol fanis we i brokbrok
2. Klinim gud ol wota kontena we i fulap wetem lif mo putum klin wota bagegen.
3. Wajem gud sapos i kat eni sik i kasem animol

NEM BLONG OL KROP WE OLI SAVE RERE KUIK TAEM

Krop	Taem we itekem blong planem kasem harvest
Bin	1-2 manis
Jaena Kabis	3-4 manis
Kumala	3-4 manis
Kon	3-4 manis
Aelan Kabis	3-4 manis
Wotamelon	3-4 manis
Pistas	3-5 manis
Tomato	3 manis